

बिरज भासा पतरिका

अपनी बिरज , अपनी भासा

जुलाई ते सितम्बर-2018



सुविचार

1. खुसी जब मिलैगी जब हम जो सोचै, जो कहमै, और जो करै वो एक जैसे होने चाहियै।
2. तुम अपनी (खुद) की सोचै बदलो, तिहारी दुनिया अपने आप ही बदल जाएगी।



संपादक

निरमान सोसाइटी-डीग-भरतपुर

उपरान ते बनी देसी दवाई (पौध बढ़ाबे बारी दवाई)

उपरान ते बनौ उपाय पौधान कू एक अच्छौ पौधा बारौ उपाय है। याके काम में लैबे ते दवाई के समान ही फल पामिंगे। याकौ चलन छोटे पौधा की तेज रफ्तार बढ़ाबे में करौ जाबै।

बनाबे कू सामान-

25-30 कंडा, ऊपरा

50 लीटर छमता कौ बरतन

बनाबे की विधि-

एक लीटर छमता के डिराम में दो साल पुराने ऊपरा या कन्डा की तरै लगकें पूरौ भर दें। फिर बामै ऊपर ते पानी भर दें। अब जाय सात दिना तक रखौ रहन दें। रोजीना एक-दो बार डिरामें हिला दें ताकि पानी में हलचल पैदा है जाय। डंडा डारकें ना हिलानौ बल्कि डिराम पकर कें सावधानी पूरवक हिलानौ है। 7 दिन पीछें डिराम ते पानी निकार कें अलग रख लें और कन्डा, ऊपरान्ने निकाल कें सुखा लें और कोई दूसरे काम में लैलें। याई तरै ते डिराम के पानीय नितार लें।



उपयोग-

जो पानी मिलौ है ऊ पौधा बढ़ाबे कू भौत बढ़िया पौध बढ़ाबे की दवाई है। या पानीय तीन गुना सादा पानी में डारकें अच्छी तरै ते मिला लें और खडी फसल पै छिडकाव करै। एक एकडू कू लगभग 40-50 लीटर ऊपरान के पानी ते बनौ 150-200 लीटर तईयार दवाई जरूरी हैबै। अच्छे फल कू 7 दिन पीछें एक पोत दुबारा एक पोत चिडकाव करबे ते अच्छौ फल पायेगे।

गोदाम और दूसरी सावधानियां

बनाबे ते पीछें 1 महिना के भीतर काम में लैलें।

कहानी- (च्यार मटका)

भौत पुरानी बातै। कोई गांम में एक कुम्हार रहबैऔ। ऊ मट्टी के बरतन बनाबैऔ। जाडेन के दिना में बाने मट्टी के भौत बढ़िया और लम्बे च्यार मटका बनाये। कुम्हार के और बरतन तौ खूब बिकते पर इन मटकान कौ कोई लैबार नाऔ। तौ एक दिना ये च्यारों मटका अकेले ही रहगे। तौ मटका अकेलेपन मिटाबे कू आपस में बात करबे लगे। तौ पहलौ मटका बोलौ मैं तौ एक अच्छी सी मूरती बननौ चाहबैऔ जाते कोई अमीर के घर की सोभा बढ़ातौ जाते लोग मोय देखबे कू आते और मैं गर्व महसूस करतौ। पर मैं तौ एक मटका ही बनगौ जाय कोई भी ना पूछै। जभी दूसरे मटका नै अपनी परेसानी बताई और बोलौ मेरी तौ किस्मत खराब है। मैं तौ एक दियौ बनतौ ताकि लोगन के घर में रोज जरतौ और उजीतौ बिखेरतौ। जभी तीसरे मटका पै ना रुकौ गयौ वाने भी अपनी परेसानी बताई। ऊ बोलौ मोय परईसान ते भौत प्यार है, मैं गुल्लक हौं तौ लोग मोय राजी ते लै जाते और मोय परईसान ते भरौ रखते। अब तीनौ मटका अपनी-अपनी बात कहकें चौथे मटका मांऊ देखबे लगे। तौ चौथौ मटका उन्नै देखकें हंसरौ तौ तीनौ मटकान्ने ई बात बुरी लगगी। और चौथे मटका ते बोले तोकू मटका बनबे कौ दुख नाय का। या बात पै चौथौ मटका हंसकें बोलौ। दुख तौ मो भीय हते पर मैं भी एक खिलौना बननौ चांहतौ ताकि जब बच्चे खेलते तौ भौत खुस हेंते और उनकी खुसी देखकें मैं भी भौत खुस हौंतौ। पर हम नाकाम रिये। पर या दुनिया में मौकेन की कोई कमी नाय। बस धैर्य रखनौ चहियै। अब चौथे मटका की बात सुनकें तौनों मटकान में खुसी छा गई। अब एक महिना डटकें गरमी आगी। तौ लोगन नै गरमी में सीरे पानी की जरुरत परी। तौ उनकी नजर सबते पहलै उन च्यार मटकान पै परी क्यौंकि वे मटका भौत अच्छे और लम्बे। तौ लोगनै सबते पहलै वे मटका सबते मंहगे दामन में खरीदे।

मुहावरा-

1. दूसरे के ऊपर घमंड करनौ। - कायरता दिखाना।
2. चकमा दैगौ। - धोखा देना।
3. बात रखनौ। - इज्जत बचाना।
4. नाम निसान मिटनौ। - पूर्ण रूप ते नष्ट हो जाना।

कहावत

1. दूद के भुरसे हुये छाच ते भी डर लगै।
अर्थ- दूध का जला छाछ भी फूककर पीता है।
2. जेब कौ परईसा बीत जाबे पर जुबान कौ परईसा ना बीते।
अर्थ- एक समय पै जेब में से पैसा बीत जायेगा पर आदमी की जुबान का पैसा नहीं बीतेगा।

सरकारी योजना- (मुख्यमंत्री राजसिरी योजना)

• 12 वीं कक्षा पास करबे तक गल्लेन तरिकान में अलग-अलग समै पै 50 हजार रुपईया की नगद सहायता।

1. योजना की रासि भामासाह ते सीधे खाते में।

2. अब तक 11 लाख ते जादा बालिकान कू 400 करोड रुपया ते जादा की सहायता।

3. बेटीन कौ इसकूल ना छूटै या काजें -

1. नौमी 9 कक्षा में पोंहचबे पै साइकिल - बारह लाख लडकीन कू साइकिल दी।

2. जादा नम्बर लाबे बारी लडकीन कू लैपटौप और इसकूटी - 15,400 से जादा इसकूटी और 97,000 ते जादा लैपटौप बांटे। संग में एक लाख ते जादा चैक भी।

3. भ्याह और काम- काज कू 55000 रुपयान तक की सहायता। 373 करोड ते जादा की सहायता।

मुख्यमंत्री राजसिरी योजना में बेटीन कू 6 तरिकान में मिलै ई नकद सहायता

जन्म के समै-2500

1 साल के टीका लग जाबे पै-2,500

पहली कक्षा में पोंहचबे पै-4,000

कक्षा 6 में पोंहचबे पै-5,000

कक्षा दस में पोंहचबे पै- 11,000

कक्षा 12 पास करबे पै- 25,000

मुख्यमंत्री राजसिरी योजना कौ लाब लैबे कू...

माता -पिता के ढिंग आधार या भामासाह कार्ड हो

जनम ते राजिस्तान की रहबे बारी हो।

बच्ची कौ जनम सरकारी असपताल या चिकित्सा और स्वास्थ्य विभाग के जरिये मंजूरी कौ निजी असपताल हो

1 साल तक कौ टीकाकरन पूरौ हो।

दोहा-

1. तन कौ जोगी सब करै, मन कौ बिरला कोई।

सब सिध्दी सहजे पाइये, जे मन जोगी होई।

अर्थ- शरीर में भगवे वस्त्र धारण करना सरल है, पर मन को योगी बनाना बिरले ही व्यक्तियों का काम है यदि मन योगी हो जाए तो सारी सिद्धियाँ सहज ही प्राप्त हो जाती हैं।

2. पांच पहर धंधे गया, तीन पहर गया सोय।

एक पहर हरि नाम बिन, मुक्ति कैसे होय।

अर्थ- पांच पहर काम पर गए, तीन पहर नींद में बिताए, आखिरी एक पहर में भी भगवान् को याद नहीं किया, अब आप ही बताईये कि मुक्ति कैसे मिलेगी।

पहेली

1. कौनसी चीज है जाय हम खामे और पीमै।-नारियल

2. सिर छोटौ और पेट बडौ तीन टांग पै रहबे खडौ, खाबे हवा और पीबे तेल फिर दिखाबे अपनौ खेल।- स्टोव



लोकगीत (काई चमची से गुर खालो पिया)

1.टेक- काई चमची से गुर खालो पिया,

दूद धरौ अलबारी में

मन मार याई मारो मत जाओ पिया, तडके पियर डिगर जाऊंगी

मेरौ बाबुल है थानेदार पिया, दूजौ भ्याह रचा देगौ

मेरौ भईया है साहूकार पिया, नौ मन खांड गरा देगौ

मेरौ मामा है ललचार पिया, दूजौ भात पैहरा जागौ।

मेरी पौरी के आगैं नीम रे पिया, घनन-घनन फेरा लै लुंगी

तू बैठौ-बैठौ देख पिया तेरौ जिया जरा दुंगी

मेरे पामन बाजनी पजेब छम-छम करती डोलुंगी

तुम नौ महिना गम खाओ पिया, गोदी में लाल खिला लुंगी

2. मेरी सास सबते प्यारी मनरा लियौ बुलाय

ऐसी चूडियां पैहरौ मेरी बहुअल धूप खिलै जब नग चमकै

दौर जिठानी यूं उठ बोली पति जेल कूं जारौ सै

कहां रखे सासुल बेटा के कपडा, कहां पै रखी तलवार

कर मरदानौ भेस जनानौ पति छुडाबे जा रई सै

गैल में गैलऊआ पूछै कौन है देस के रहबे बारे काहय तुम्हारौ नाम

बहुत दूर के रहने अवसर हमारौ नाम

कुरसी पै बैठौ,टेबिल पै बैठौ चाय पिबाऊं तुमकूं

ना बैठूं कुरसी, ना बैठूं टेबिल, ना पीऊं चाय तुम्हारी

कै तौ राजा के लडकाय छोडौ, तुमनै सूली चढाऊ

ये लो री तुम्हारे राजा कौ लडका, हमनै हांसी कर लई

आगैं-आगैं चलरे राजा पीछें चल रई गोरी

ये लो री सासुल बेटा के कपडा ये लो री तलवार

साबास री गोरी प्यारी बहुअल बेटाय छुडाय घर लाई

तईयार करबे बारे

जगदीश चन्द नैहचैनिया, सतवीर चौधरी

और रतन लाल योगी

भजन (गाडी तिहारी लिकर गई)

टेक- गाडी तिहारी लिकर गई, मईया टिकट ना कटा पाई

1.पहली टिकट बचपन की कटाई, खेलकूद में है भूल गई

गाडी तिहारी लिकर गई, मईया टिकट ना कटा पाई

2.दूजी टिकट मैंने जुआनी की कटाई, मस्ती में भूल गई

गाडी तिहारी लिकर गई, मईया टिकट ना कटा पाई

3.तीसरी टिकट मैंने संगत की कटाई, संग में भूल गई

गाडी तिहारी लिकर गई, मईया टिकट ना कटा पाई

4.चौथी टिकट मैंने मईया की कटाई, पूजा में भूल गई

गाडी तिहारी लिकर गई, मईया टिकट ना कटा पाई

5.पांची टिकट मैंने बुढापे की कटाई,

कफ खांसी में भूल गई

गाडी तिहारी लिकर गई, मईया टिकट ना कटा पाई

चुटकला-

1.एक माईस भिखारी ते कहरौ अगर तेरी लौटरी लग जाय तौ तू काह करैगौ। भिखारी बोलौ एक कार और चांदी कौ कटोरा खरीदुंगौ, फिर कार में बैठकैं भीक मांगे करुंगौ।

2. एक भिखारी नै रेल में खडे माईस ते बोलौ भगवान के नाम पै पर्ईसा दैदे बाबा। माईस बोलौ खुल्ले नाय। भिखारी बोलौ कितेक के चहियैं पान सैके या सौ रुपया के। माईस बोलौ जब तेरे ढिंग पान सौ रुपया के खुल्ले हतैं तौ भिखारी कौन।

ताजुब ई नाय कि कोई काम करकै दिखायौ है,

बल्कि हमें बा कामें करकैं खुसी हुई है।

मिलबे कौ पतौ

निर्माण सोसायटी

सहारई रोड़, ब्लू बर्ड इसकूल के पास,

डीग,भरतपुर, राजस्थान- 321203

Ph.-05641- 224424, 9587593455

Email-rajasthanlanguages@nirmaan.org.in

Web.-www.nirmaan.org.in